

光緒重修安徽通志

重修安徽通志卷二十八

輿地志

山川五

太平府

青山 府東南三十里縣互甚遠府志晉桓溫與袁宏遊青山共載而歸卽此齊謝朓築室山南故又名謝公山亦名青林山峯巒層疊極泉石之勝宋米芾書第一山碑在山麓相連有獅子白雲等山皆鳥道紆曲林木幽美

尼山 府東南四里一名尼坡山麓舊有古梅數十本寒香沁人彷彿羅浮鄧尉又名梅山宋鄭羽建百花頭上亭盧鉞爲之記

九井山 府南十里伏酒北征記丹陽山南有九井大司馬桓

溫所鑿也今五井已竭四井通大江元和郡縣志殷仲文九日  
從桓元登九井賦詩卽此

龍山 府南十里怪石磊砢蜿蜒如龍故名孟嘉九日登高落

帽處也縣志引輿圖考謂屬江陵龍山非是江南通志桓溫鎮武昌非江陵也武

昌無龍山溫時爲鎮將豈得適千里遊山乎又考陶靖節集孟嘉傳云嘉令巴邱入官從事中郎遷長史在朝隤然正順而已

每會神情獨得超然命駕徑之龍山顧影酣宴造夕乃寔若江陵龍山距朝三千餘里非可朝往夕還其爲當塗龍山灼然矣

郡志云桓溫嘗以重九日與僚佐登此疑必溫移鎮姑孰時事也

博望山 府西南三十里亦曰東梁山與江西岸和州之梁山

對峙如門又名天門山臥江中遠望如積黛故又名蛾眉山寰

宇記春秋時楚人獲吳餘艘於此按寰宇記原引郡國志上有卻月城宋

孝武閱水軍有雙爵集所張蓋因立雙闕於博望

楊山 府西南三十五里臨大江亦曰曷山亦名四合山五代

用兵處宋史紹興二年命沿江置烽火臺於當塗之褐山卽此  
金柱山 府西三里宣歙諸水由姑孰入江奔瀉於此明萬曆  
閒居民掘地得金邑令章嘉貞請於郡守割千金建塔其上以  
鎮之初名鐵淋壁以西方屬金故名金柱

黃山 府西北五里山形如初月傳有浮邱舊跡一名浮邱山  
又名黃江山上有宋孝武凌歊臺遺址許渾詩三千歌舞宿層  
臺是其處也

采石山 府西北二十五里昔人采五色石於此故名一名翠  
螺山後漢丹陽疆域志西臨大江爲吳楚險要晉王渾駐師取  
吳隋韓擒虎宵濟破陳宋曹彬渡江取南唐明常遇春先登獲  
捷皆在此山南有磯峭拔險峻亦曰牛渚舊傳金牛出此故名  
輿地志溫嶠平蘇峻亂至牛渚磯以下多怪物燃犀照之奇形

異狀畢見南陔有燃犀亭在其上相傳李白騎鯨亦在此謫仙

樓捉月亭所由建也

附

梁元帝元圃午渚磯碑

籍以增城九重

船如駕鶴時度必如橋似牽牛能分織女丹鳳爲羣紫柱成列  
清風韻響卽代仙歌桂影浮池仍爲月浦壁月朝暉金樓啟扉  
畫船向浦錦纜牽磯花飛拂袖  
荷香入衣山林朝市併覺忘歸

磨盤山

距府城二十里晉書鎮西將軍謝尚守采石駐兵於

此

葛陽山

府治北四十里上有羊耳洞藤蘿隱蔽洞前方石相

傳爲葛洪碁局又有八仙臺潘母林蓋潘母亦得仙者山勢環

抱最爲幽勝

鸚鵡山

府城北與葛陽山相連山有鸚鵡石雌雄各一每遇

雷雨鸚鵡子從石中迸出圓潤如卵土人得之用以治疾有石

嵌空側出如半帆長丈餘俗呼爲船尖峯東壁諸巒環拱揖

如有來船者亦一奇也

望夫山 府西北四十里山高百丈正對和州城樓元豐九域

志昔人適楚不還妻登此山望之久遂化爲石

按九域志無此文舊志係據江

南通志所引今按是寰宇記也

連磯山 當塗縣西北寰宇記山邊大江磯石相連晉謝朓嘗

於此賦詩

寶積山 府北三十里古有取銅阮故名相傳宋孫仙姑跨鶴

飛昇於此今丹池及石刻猶存

白壁山 府北二十五里濱江三峯拔起如壁一名石壁俗名

龜山李白與崔宗之夜乘舟自金陵溯流過此白衣宮錦袍

坐舟中有秋月照白壁皓若陰山雪之句

馬鞍山 當塗縣北四十五里慈湖港口

慈姥山

按書字記慈姥山亦名慈母

府北四十里昔楚僧眞定見磯頭浪

涌以杖錫開河於磯後水分舟便故又名和尚港山南峭壁臨

江產圓竹聲中音律可爲簫管俗呼爲鼓吹山相傳馬融所賦

洞簫卽此山竹也上有孝子丁蘭祠

以上舊志按馬融賦洞簫

原夫簫籥之所生於江南之邱墟卽此處也其竹圓緻歷代嘗給樂府而俗呼爲鼓吹山上有慈母祠

大黃山 當塗縣東北灌渡水出此

蘇屯山 當塗縣東北寔宇記當塗縣有蘇屯山昔蘇峻屯兵

於此因名

赤金山 府東北十五里舊山銅類金淮南子及班固食貨志

所謂丹陽銅也今不產

藏雲山 府東北二十五里一名神武山山高且深可藏雲故

名中峯峭立百丈左爲致雨峯雲起卽雨禱輒應

翰壁山 府東北四十里梁大同起居注云九年鴻臚表往姑

孰翰壁山采石壘卽此又東爲琵琶山形似琵琶

按此條見寰宇記

橫望山 府東北六十里連互三邑丹陽湖在其南左傳楚子

重伐吳至衡山按衡與橫通杜注謂四望皆橫因名

按左傳注無此文惟

云衡山在烏程非也詳武備兵事注

山有十五峯九龍白月引水三池陶宏景嘗

隱此構讀書堂下爲澄心寺關公廟廟前峭壁參天老松倒垂長百尺最高處有王磐題壁立萬仞四字

凌家山 府東三里有石洞傳是陳羅二仙隱處明萬厯末造

凌雲塔於其上今稱凌雲山南瀕姑溪去岸十餘丈有巨石屹

立名釣魚臺傳爲李之儀釣魚處

月盤山 府東四里一名景山有洞一亭六湖山煙雨亭其最

也登其巔溪山列秀如在几筵遊者謂不減吳下虎邱白門雨



花云又名雷峯下有全真巖

白紵山

府東五里本名楚山晉桓溫遊此歌白紵辭因改今

名

按以上見寰宇記

宋孝武校獵蒲山會師於此山巔有大夫松舊稱

白紵松風爲一郡名勝

晉山

府東十五里一名甌山壁立百仞有龍窟歲旱居人焚

此窟以起龍往往得雨

石城山

府東二十里有石環繞如城唐羅泰記云有八角井

飲馬池駕鼓臺在焉舊傳楚熊繹受封於此

白土山

府東二十五里土可陶可望東與青山連

靈墟山

府東三十五里舊傳丁令威化鶴於此壇址猶存有

丹洞丹井

龍泉山

府東三十五里勢如飛龍有福源寺在其脊有泉相

傳羅浮異僧卓錫所開汲以竹則清以綆苴則濁不可飲又傳寺初建時材木自井中出

武山 當塗縣東四十五里形如覆釜一名釜山濱河帶溪頗多魚利

赭山 蕪湖縣西北五里江南地理志赭山丹赤故郡名丹陽山有塔塔後滴翠軒黃庭堅讀書處

范蘿山 蕪湖縣西北五里下臨大江煙波無際

七磯山 蕪湖縣西北十五里南史周文育襲彭城徐嗣徽引齊人渡江據蕪湖列艦於青墩至七磯以斷文育歸路卽此一名磧磯

靈山 蕪湖縣西南五里大江中一名戰鳥山昔桓溫於赭圻討賊屯軍山下夜中鳥鳴賊謂官軍已至一時潰散故名今按

並元和郡縣志 唐建靈山寺於此 戰鳥山江南通志作戰馬誤

文不云靈山 又 大清一統志戰鳥山本

名孤圻山一名靈山又或名蜃居山陳蘭森按寰宇記孤圻

蜃居乃礪山之名非靈山也靈山有龍堂禱雨有應在繁昌

蠓磯山 蕪湖縣西南七里大江中蠓老蛟也磯有石穴廣一

丈深不可測圖經云甯淵廟舊在其上明建靈澤夫人祠世傳

蜀先主妃卽孫權妹歸吳聞先主崩哀殞葬此磯在北岸本隸

濡須登磯止見蕪湖故明高啟詩有蠓磯煙鎖在蕪湖之句

白馬山 蕪湖縣西南二十五里有紫燕洞冬時紫燕來蟄春

則飛去山脊峯迴石聳有洞深廣莫測夙多仙蹟世稱爲洞天

福地焉

荆山 蕪湖縣東十六里荆沼之水出焉西接小荆山有鶴跡

龜文之石九域志謂卽卞和得玉處非是

石跪山 蕪湖縣南四十里石跪河出焉

赤鑄山 蕪湖縣東北八里圖經云楚千將造劍處今山有干將臺相連有神山是其淬劍之所上有磨劍石並池

驛山 蕪湖縣西北八里臨江南唐時嘗設館驛列市肆於此  
浮邱山 繁昌縣東十里一名隱玉山有浮邱洞及龍池鎖虎石丹井相傳浮邱公王郭二仙隱此產茶甚佳其南爲千軍嶺  
隱靜山 繁昌縣東南三十里五峯環會泉石甚勝有寺前雙松傳爲杯渡禪師手植

銅山 有二一在繁昌縣東南三十五里近桃冲上有仙人洞  
涌珠泉 一在縣西七里有微隱甘露二泉

金峨山 繁昌縣南十里近南有金峨洞一竅通人行山下卽峨溪匹練處

磕山 繁昌縣南十里有龍池長流不竭有龍堂禱雨輒應

一名蜃居山

按寰宇記磴山在縣南大江中有石石上有寺舊名孤圻山亦曰蜃居山無龍堂等語在靈山文下

馬仁山

繁昌縣南三十里以山石狀類人馬舊名馬人唐德

宗時石馬鳴厭之易今名上有五峯王沖霄隱此

獅子山

繁昌縣南三十里奇石雄踞如獅因名有峯六眠牛

一峯尤奇山椒石壁數十仞松杉竹樹與碧澗紅泉相閒吞吐

雲霧亦奇觀也

龍華山

繁昌縣西十五里有乳泉通石竇資民灌溉石上產

丹桂一株近千年香襲里許邑稱龍華丹桂相近爲紅花山一

名荷花尖諸峯如蓮萼下有紅花澗爲邑人造紙處又西五里

爲杏山

覆釜山

繁昌縣西北二十五里一名寨山一名春穀嶺山頂

如平掌上有甘泉不竭

公孫山 繁昌縣西北四十里世傳公孫捷所居有公孫橋

鳳皇山 繁昌縣西北五十里山頂有鳳池鳳穴下臨荻港鎮

北麓爲珠金沙

大陽山 鳳皇山之北接小陽山有龍池雖旱不竭山之西麓

盡於江曰板子磯寰宇記一名返秦磯

今按寰宇記無此文

姥山 繁昌縣東北三十里有三峯竝秀亦名老山宋沈攸之

大破賊於赭圻城外追奔至姥山卽此

方輿紀要云或曰姥山縣西南江濱小山也後

淪入江中按攸之大破晉安王子勛兵皆在江濱一帶舊志作東北三十里似誤

三山 繁昌縣東北三十五里三峯秀起曰老子曰方丈曰秦

望上有九蓮洞東卽三山磯宋陳堯佐泊磯下見江神告以避

風卽此

滴水嶺 繁昌縣東南十里有靈巖一名靈巖山有水潛行

地穴中巖上聽之如滴漏聲

赭圻嶺 繁昌縣西三十里與覆釜山脈相接晉哀帝召桓溫入朝至赭圻詔止之溫遂築城於此梁南陵縣嘗治赭圻隋唐竝爲鄉鎮

浮鳩磯 繁昌縣東北三十里老山岬出江中下有湫俗名龍王磯

慈姥山 繁昌縣西四十里磯上刻界碑二字注云北潤州上元界南宣州當塗界蓋唐刻也

夏舍人山 府治東北有夏舍人廟

大江 府西自銅陵縣界流入歷繁昌蕪湖當塗三縣東北流入江甯縣界

中江 蕪湖縣西南漢書地理志中江出縣西南至陽羨入海

宋宣和七年詔開江東古河自蕪湖由宣溪溧水至鎮江渡揚子入淮免六百里江流之險今縣河達黃池入丹陽石臼等湖至銀林堰是其故道蘇常承中江下流築五堰而中流不復東行由縣西南以入江故漢志云由西而東元和志則云由東而西也

青弋江 蕪湖縣東南卽清水也漢書地理志宛陵有清水西北至蕪湖入江縣志青弋江自宣城縣北合黃池水至縣東南界入於長河又分爲黃池水北行匯爲路西河又北入當塗縣

界合姑溪入江

互詳前國府

鵲江 繁昌縣北境流入蕪湖界輿地志銅陵鵲頭山爲鵲頭至三山爲鵲尾因名鵲江繁昌諸水注之

老洲 當塗縣西北周八十餘里相近又有鮑魚新生焦家陳



家南生等共九洲

鼈洲 蕪湖縣大江中寔字記在江中長三里與蕪湖相接縣志在縣河入江之口與礪磯相對

虎檻洲 輿地紀勝在繁昌縣東北五十里宋泰始二年以沈攸之爲尋陽太守將兵屯虎檻陳天嘉元年侯瑱拒王琳自蕪湖進軍虎檻按胡三省通鑑注虎檻洲名在赭圻東北蕪湖西南江中

大信河 府西三十五里大江自天門山南醜爲夾河曰大信河亦曰南浦自蕪湖白岸湖西北流至大信鎮會龍山港入於江

唐溝河 當塗縣東又陶葉橋水源俱出橫山南麓經小丹陽入姑溪又丁家橋水源出龍泉靈墟諸山經辭鎮入姑溪又紀

家渡水源出神武洞陽山又盤磯水出禪嶽山俱入姑溪

黃池河 府南七十里姑孰鄉以河心爲界北屬當塗南屬宜

城

采石新河 府西北二十五里牛渚磯東宋熙寧三年

江南通志作慶

應中以磯屹然立江流之中水勢湍激大爲舟楫之害乃開新河於磯後以達大江始獲安濟

慈姥水 當塗縣北四十里源出柳朝葛陽諸山至慈姥山入

江

長河 蕪湖縣南半里源分丹陽湖南股水西流合青弋江經

縣前西行稍北五里入江

扁擔河 蕪湖縣東十里長河分流北入當塗縣界合大信河

青墩河 蕪湖縣南有洲曰青墩沙卽周文育克徐嗣徽處

上峨橋河 繁昌縣南卽城濠也源出白馬山以東及阪長嶺  
萬衝水合流經金峨山下又東經隱玉山入芋田港又有下峨  
橋河在縣東北三十里亦上通城濠下通魯港

丹陽湖 府東七十九里周三百餘里與溧水高淳縣分湖爲  
界稍東爲固城湖東爲石曰湖統名曰三湖徽池甯國廣德江  
甯之水皆匯此分二股南股入蕪湖爲長河北卽姑孰溪之上  
源也

蕪湖 蕪湖縣西南十五里源出丹陽湖過黃池合五丈湖路  
西湖諸水至縣入江蓄水不深而多生蕪藻故名又白岸湖在  
縣東南五十里五丈湖在縣東南七十里

天成湖 蕪湖縣東南十四里亦名天聖湖亦丹陽湖下流所  
匯也廣百八十頃流入荆沼港達於長河

濃湖 繁昌縣西宋泰始二年子勛將袁顓等軍於鵲尾與沈攸之相拒於濃湖今已湮廢又官莊湖在縣西二十里荻港支流所匯卽濃湖之餘浸也

姑孰溪 當塗縣南二里姑孰城因此名一名姑溪一名姑浦  
寔字記姑浦口南岸立津以譏行旅卽此源出丹陽湖北股西行經陳圩北受橫望港水又西過武山南受武山港又西過青山北又西過白紵凌家二山南是爲姑溪又北受胭脂襄城二港水又西北受灌渡港水過采石經新河至寶積山入江

按當塗縣西三里有姑溪水入江之路土名破缺口明萬曆間知縣章嘉貞建金柱塔以鎮塞之其時溪水已不復繞流采石矣

胭脂港

當塗縣南三里源出龍山北入姑溪水盛時可通蕪

湖又襄陽港當塗縣北門外西至三江口入姑溪

思賢港 府北三十五里謝朓李白崔宗之先後游覽賦詩後人思之故名

魯港 蕪湖縣南十五里源出宣城西注大江一名魯明江一統志云昔有魯明仲者居此十二國紀年孫瑞與楊行密戰行密於魯明港作五堰以輕舟給軍食卽此又有石跪河在縣西南四十里合於魯港

鳩茲港 蕪湖縣東四十里入於長河或以爲古鳩茲也左傳楚伐吳至鳩茲杜預以爲臯夷今作句慈以音相近而訛也

荻港 繁昌縣西南四十里水出南陵由馬仁山西入繁昌縣界至鳳皇山下爲荻港入於江西對無爲州

黃澗港 繁昌縣西南三十里源出南陵縣之太涌澗繞馬仁

山西入縣界又西至黃澣鎮迤西官莊湖水入之又西北經鳳皇山下合荻港入江

泥浦港 繁昌縣西北三十五里與刀子港橫山港三港合流入江曰三港口劉孝綽詩有繁昌浦卽此縣志泥浦港或稱泥埠河又高安港在縣西北四十里舊縣鎮

慈湖 府北六十里元和郡縣志後漢末吳將笮融

舊志作笮融注云江

南通志作笮融誤今按笮字因誤笮字尤誤陳刻元和郡縣志作卞並誤當依三國吳志作笮丹陽人萬姓統譜陌韻有笮融屯兵於此又晉陶侃與蘇峻戰於慈湖侯景兵至慈湖梁人大

震卽此後漣餘水入於大江

鼉浦 府東五里相傳昔有鼉爲祟遇道者截草擲浦中害遂

除

按寰宇記此李聿事太平廣記作李鶴

白雲泉 當塗縣東南青山頂下入龍山港

桓公井 當塗縣東府志在白紵山椒一名飲馬泉晉桓溫所鑿唐李白詩桓公名已廢古井曾未竭是也

謝公井 當塗縣東南府志在青山路南有甄贛謝朓所鑿西湖池 蕪湖縣西北廣二十畝今多淤塞

重修安徽通志卷二十九

輿地志

山川六

廬州府

大蜀山 府西二十里爾雅說蜀者獨也此山獨起無岡阜連屬故名輿地紀勝上有開福寺永濟龍王廟其西二十里有小

蜀山

周公山 合肥縣西七十里相傳周瑜讀書處上有廟

大瀾山 府西百里有泉不涸其西爲龍鳳山東南通舒城

北走壽州

雞鳴山 府西北四十里有龍井肥水自紫蓬山東北經此

入金斗河



紫蓬山 府西南七十里有李陵廟又名李陵山一名良餘山  
水經注肥水出良餘山俗謂之連柳山卽此有徑達府西石佛  
山兩旁皆石中通人行其近者爲馬鞏山又西三十里有蓮花  
山皆以形名

姥山 府東南百里巢湖中窻字記巢湖將陷有巫媪豫知升  
此山故名宋書晉安王子助兵攻廬江沈攸之等大破之追至  
姥山按宋書晉安王子助及沈攸之傳均無攻廬江文此引蓋誤又孤山亦在巢湖中魏邢  
巒破梁將桓和於此一名聖女山上有大姥廟

龍泉山 府東五十里絕頂有泉迴繞僧寺

青陽山 府東六十里元余闕讀書其上有青陽山房其南爲  
方山山頂四平南宋時居民結寨保聚之所又舒城西南五十  
里亦有方山

四頂山 府東七十里俯瞰巢湖上有四峯特起隋地理志襄

安四鼎山卽此相近爲梅子山舊按方輿勝覽引郡國志魏伯陽煉丹於此今按郡國志無此

語

小峴山 府東七十里梁書韋叡傳天監四年叡遣梁郡太守

馮道根攻魏小峴城進討合肥卽此胡三省通鑑注大小峴爲

往來要路而小峴尤爲險阨輿地志小峴在合肥之東大峴在

小峴之東其山側通全椒者爲餘峴口

浮槎山 府東八十里一名浮巢山一名浮閣山方輿勝覽俗

傳自海上浮來山頂有甘泉梁天監中帝女總持大師於此建

道林寺隋書地理志浮閣山在慎縣附宋歐陽修浮槎山水記

浮槎山在慎縣南三十五里或曰浮閣或曰浮槎二山其事出於浮閣老子之徒荒怪誕幻之說其上有泉自前世論水者皆

弗道余嘗讀茶經愛陸羽善言水後得張又新水記載劉伯芻

重修安徽通志卷二十九 輿地志 山川 二 廬州府

妄狂險譎之士其言難信頗疑非羽之說及得浮槎山水然後益以羽爲知水者浮槎與龍池山皆在廬州界中較其水味不  
及浮槎遠甚而又新所記以龍池爲第一浮槎之水乘而不錄  
以此知其所說多失羽則不然其論曰山水上江次之井爲下  
山水乳泉石池漫流者上其言雖簡而於論水盡矣浮槎之水  
發自李侯嘉祐二年李侯以鎮東軍留後出守廬州因遊金陵  
登蔣山飲其水既又登浮槎至其山上有石池涓涓可愛蓋羽  
所謂乳泉漫流者也飲之而甘乃攷圖記問於故老得其事跡  
因以其水道於京師余報之曰李侯可謂賢矣夫窮天下之物  
無不得其欲者富貴之樂也至於蔭長松藉豐草聽山澗之潺  
湲飲泉石之瀉澗此山林者之樂也而山林之士視天下之樂  
不一動其心或有欲於心願力不可得而止者乃能退而獲樂  
於斯彼富貴之能致物矣而其不可兼者惟山林之樂爾爲富  
貴者而不得兼然後貧賤之士有以自足而高世其不能兩得  
亦其理與勢之然歟今李侯生長富貴厭於耳目又知山林之  
爲樂至於攀援上下幽隱窮絕人所不及者皆能得之其兼取  
於物者可謂多矣李侯折節好學喜交賢士敏於爲政所至有  
能以重者亦不能自見而待人以彰者有矣其物未必可貴而因  
事俾世知斯泉發自李侯始也

黃山府東百二十里接巢縣含山界其峯三百有六十有泉  
不涸故亦呼龍泉山亦曰金庭山又曰紫微山道書所謂第十

八福地者也山有金庭洞可容三百人又有紫微洞出泉居民引以溉田唐時又改名王喬山相傳王喬居此

冶父山 廬江縣東北二十里隋書地理志廬江有冶甫山卽

此宋碑曰鐵冶蓋冶鐵之所濡須志舊爲歐冶鑄劍處比眾山獨尊故曰父自麓至巔幾五里子山三百六十有四羅列其下

有龍湫亦曰鑄劍池並百尺崑袞裝櫃白佛崑諸勝舊志按峯

江縣東北二十里之治父山爲左傳羣帥自囚虞考荊州記州東有水名荒谷又西北有小城曰治父水經注荒谷東岸有治父城在今江陵縣莫敖旣雉經荒谷諸帥遂止治父城自囚以待刑非此治父山也

棲鳳山 廬江縣東北三十里相近曰蜃山下瞰白湖

蜃山 廬江縣東北三十里下瞰白湖縣志昔曾有蜃出焉吐氣成樓臺殿閣之形又按隋書地理志廬江縣有聖山聖蜃音近或卽此山

鉛山 廬江縣東北七十里其山出鉛下有洞兩旁皆水流注  
溪中

毛公山 廬江縣東七十里名勝志有毛公洞廣九尺深三丈  
後漢毛義隱此石磴石窗猶存洞旁產白牡丹相傳義父母甚  
愛此種義望天哀籲少頃徧山雪墜皆花後遂種延不絕蓋天  
生異卉也又北半里爲蓮花洞中有石蓮下垂巧伴追琢山之  
東屬無爲州

馬頭山 廬江縣東北七十里晉書毛寶援桓宣於此又司馬  
徽歎眾馬頭山劉牢之討滅之上有桃花仙人二洞其山口曰  
石龍山西有渡曰馬頭渡

金牛山 廬江縣西北四十五里嶺有塔吳赤烏二年造

國朝康熙三十八年圮

關山 廬江縣西二十五里曹魏守隘之所石門尙存

王蹕山 廬江縣西三十里舊傳魏武駐此相近爲石龍山巖

石如龍可容數十人有泉出其中

擣山 廬江縣西三十五里有龍池一名龍池山其麓有甘

泉寺亦名甘泉山相近爲獅子山其尖亦有龍井按唐廬江縣

有擣山明統志以書擣山爲卽桺山誤今按明統志無此文但有桺山其注與巢縣桺

山下蹕字記文同

馬槽山 廬江縣西四十里有大小二槽形勢連屬山半各有

石槽大者長二丈小者丈餘形成自天不假椎鑿世傳魏武嘗

立寨其上又高處爲劉郎寨

黃銅山 廬江縣西二十里亦名黃土山下有小關口以其次

於冷水關故名

大凹山 廬江縣西四十里以形凹得名一名女蘿山上有龍王祠下有仙女石山勢參差難狀其第三峯有風洞巖深不可測投以草莖卽隨氣飛起

百藥山 廬江縣南十里山多藥草相傳李百藥遊此故名宋碑作白若蓋音之訛也頂上碁盤石有仙人足跡蹋之聲如鼓聞數里又名石鼓山隋書地理志開化縣有蹋鼓山卽此乃邑鎮山也

福泉山 廬江縣南十里山下有泉清澈飲之可以愈疾南十里

里有菖蒲山產九節菖蒲  
秀山 廬江縣南六十里山上有香爐峯世傳有仙飛昇於此  
黃泥瓦洋二河於此發源石上鐫刻有秀拔東南水外屏障十數字

鳳臺山 廬江縣東南十里縣志作十五里五峯排列中高如臺昔傳有鳳巢其上故名

石被山 廬江縣東南二十里黃陂湖邊山水奇勝可供玩賞  
礬山 廬江縣東南四十五里產石爲礬宋時割置無爲軍今山在南鄉下有礬蓬硃砂澗宋史地理志廬江縣有崑山礬場故一統志云本名崑山也九域志礬山廬江六鎮之一

鐘鼎山 廬江縣東南五十里一名鐘子山盤礴甚遠上有龍池又有東西兩泉四時不竭灌溉田畝迭爲盈縮

藍家山 廬江縣東南六十里隋書地理志廬江有藍家山縣志一名郎家山亦名黃屯山上有殿寨陟相傳黃巢屯兵處

寨基山 廬江縣東南七十里山頂如圍如城舊傳爲金華寨其飲馬池與寨陟猶存



暖塘山 廬江縣東十里下有溫泉四時可浴嶺有二石屏玲瓏可愛

齊山 廬江縣北七十里北瞰焦湖

鹿起山 舒城縣東南三十里輿地紀勝昔有僧過鹿出之事因名上有南嶽行祠祠前有試心臺洗劍池縣之鎮山也

春秋山 舒城縣南二十五里縣志作二十里其上爲李公麟讀書堂有洗墨池又有望湖尖鳳皇臺仙人峯諸勝絕頂有洞可容數千人

華蓋山 舒城縣南四十里周二十五里高百丈三峯並峙望如華蓋又三十里爲高峯山

鼓樂山 舒城縣南八十里輿地紀勝舊傳梁武帝未有嗣寶誌云有高人隱此山中三生前乃伶官作樂可致後生昭明太

子以是得名

磨劍山 舒城縣西南三十五里上有大石相傳仙人磨劍處  
七門山 舒城縣西南三十五里山瀕大溪下有石洞如門者  
七卽七門堰之上源也

雲霧山 舒城縣西南四十里輿地紀勝陰雨則雲霧先起上  
有洞名水簾洞

龍眠山 舒城縣西南八十里卽古龍舒山括地志龍舒以狀  
若龍之展舒也寰宇記龍舒山今號龍山方輿勝覽形如臥龍  
故名龍眠山之陰爲龍眠砦與桐城界

南峽山 舒城縣西南一百里一曰夾山寰宇記山有兩峯夾  
道故曰夾山遠峯疊障絲互甚遠北至舒城東至廬江南至桐  
城西至壽州盛唐界

三角山

舒城縣西南百二十里

縣志作百十里

竄宇記山高五里形

似角相傳山上有泉飲之能益人神智故又名多智山其相近

者爲陽山

梅山 舒城縣西七十里

縣志作五十里

舊傳梅福隱此上有梅仙洞

又十里曰竹山

王姥山

舒城縣西九十里

縣志作八十里

相傳王姥修煉於此有白

鹿銜花之異其近者爲栲栳山

響山

舒城縣東二十五里輿地紀勝人過其下山輒有聲

紫芝山

無爲州城內西南隅宋皇祐閒產紫芝三百五十本

州守茹孝標獻於朝賜名又有孔山鐵山太山俱在城中

雙泉山

無爲州西南八十里山麓有觀音洞泉自洞出

眉山

無爲州西南百里兩山連曲如眉

三公山 無爲州西南百二十里上有三峯因名峯皆東顧唐天寶中改名東顧山山勢連亙數百里與銅鑼尖白雲巖相接西界廬江南跨桐城上有洞岩明季流寇縱橫江北居民倚以避亂相近有九卿山山有九峯故名

蠓磯山 無爲州東一百十五里大江中與太平府蕪湖縣接

界

互詳太平府

桐山 無爲州西九十里有水道通白湖漁人用箔取魚故又名上箔隋志廬江縣有上薄山薄箔音相近亦古今字又有下箔山天井山 無爲州西九十里有泉二左曰青龍右曰白虎故亦名雙泉山其下有楚雲洞

朝喜山 無爲州西北四十里旱時朝有雲氣是日必雨故名白石山 無爲州西北四十里山多白石頂有龍池仙人洞其

右爲楚歌桃花諸嶺接巢縣界隋地理志襄安縣有白石山卽此又二十里爲孤鼻山宋紹興中邑人王之道保聚其上相近曰豹兒寨山亦之道結寨處

銀瓶山 無爲州西北五十里羣山橫列一峯特起州之主山也

呂泉山 無爲州西北五十里又名龍泉山其形似龍上有水泉世傳呂巖過此插劍泉涌故名

青檀山 無爲州北五十里州志作四十里產青檀北魏拔僕蘭設伏

檀山破宋將魯爽卽此水經注檀山在廬江雩婁縣南大別之異名泱水出焉此亦名大別非禹貢之大別也

五畝尖山 無爲州北五十里頂平五畝許可種植面臨巢湖

羣山背峙登巖望之萬頃皆碧回顧則崇峯疊嶂隱見爭奇乃

州中最高處也

臥牛山 巢縣治後以形似名爲邑之鎮世傳巢許隱此今紫微觀其故址也輿地志山背有桀王城

東山

巢縣東三里

縣志作一里

相傳卽許由之箕山唐時有劉知

幾書院宋劉錡敗金人於石梁河又追敗之於東山卽此

七寶山

巢縣東南三十里三國時魏人築關於此以拒吳濡

須山爲東關此山爲西關上有石刻煙霞亭字其南有龜山

龜山

巢縣東南三十里一曰東龜山上有石池不竭又有南

龜山在縣南隋書地理志襄安有龜山

大秀山

巢縣南三十里山峯聳秀嘗家河出焉宋楊傑詩水

入平湖千里遠山橫大秀一峯高是也其側有黃石嶺邑人薪

樵於此蔣家河出焉

黑象山 巢縣南三十里相傳舊名喝將山卽項王瞋目叱赤  
泉侯人馬皆辟易處形勢極高俯視縣境

坻箕山 巢縣南三十七里亦名踟躕山又名楚歌嶺左傳楚  
子觀兵於坻箕之山陳書荀朗破郭元建於踟躕山今散兵灣  
卽其處也又縣南六十里有高林山七十里有九峯山

居巢山 巢縣西南八十里雞谷閒有石研之如墨舊名墨山  
唐改今名

小隴山 巢縣西北十五里南瞰焦湖寔字記巢縣西有小隴  
山龜頭城存焉一名黃沙城

楠山 巢縣西北寔字記去縣西北四十八里楠者小栗也其  
山昔有小栗故名頂有天井縣志在縣西北柘皋下鄉下有白  
龍洞

萬家山 巢縣西北二十里爲四會之衝上有止渴泉舊時亂石纍錯明景泰中邑令閻徽修治始有徑可行

八公山 巢縣西北七十里一名紫金山宋劉錡敗金人於東山敵走保紫金山卽此水經注上有淮南王劉安廟綱目集覽王與八公憩石處在壽春此則王遇八公處也

紫微山 巢縣北十里隋書地理志襄安有紫微山寰宇記王仙君洞在紫微山中山有三頂旁有一小山卽洞所也昔王子喬洪崖先生並於此得道晉初會稽道人游先生撥開洞門亦得仙去本名翠微山游先生時有紫雲在其上故名少東爲金庭山上有金庭洞外有水曲曰杏花泉

半陽山 巢縣東北十五里有二泉一冷一熱合流至數里外始相混魚自冷泉觸熱急回羅隱詩飲水魚心知冷熱濯纓人



足識炎涼隋志襄安縣有半陽山今或以湯池訛爲半湯

亞父山 巢縣東北二十里范增所居寰宇記漢時范增死於

山旁故名隋志襄安縣有亞父山形似旗故亦名旗山

割股山 巢縣東南二十五里與無爲州接界一名馬鞞山巢

湖水出其閒又五里爲白牡丹山多產白牡丹故名高峻盤旋

頂平坦寬數十畝有天池

白茅嶺 廬江縣西四十里卽唐志所謂白茅山也路達舒城

揚旗嶺 舒城縣西南七十里相傳土人因寇亂結寨於此揚

旗聚眾故名相近曰石壁嶺臨溪有巨石壁立

天台嶺 舒城縣西南百里最幽勝土人擬於天台故名

芙蓉嶺 無爲州北五十里亦名附農山又名浮濃嶺無爲州

巢縣分界於此卽芙蓉山也山石險峻明正統閒知州王仕錫

開鑿以便行旅

天倉嶺 巢縣東南四面如椀芙蓉河出此

小佛嶺 巢縣西北十五里兩山夾峙中通一路曰孔子回車  
街自嶺徑橐臬過鍾離徐沛達魯境舊爲南北大道

鶴石崖 舒城縣西南十五里兩石並峙俗名小赤壁

呂仙洞 無爲州西北七十里有石牀藥臼傳爲呂仙遺蹟

藥珠洞 無爲州北巢縣南舊名崔仙洞唐崔自然所居後易  
名藥珠有石牀石梁藥臼

白龍洞 巢縣西北四十里嘗有白龍出入其中

邱釣石 巢縣東南三十里一名濡須口相傳浮邱公釣處

主簿原 舒城縣西南百六十里縣志作百八十里相傳唐相畢誠讀

書於此

馬蹏岡 舒城縣西南相傳有天馬過此石上有馬蹏故名

大江 無爲州南自桐城縣抵無爲州界東北入於含山凡無

爲州之水皆納於江其他諸縣之水多由巢湖以達於江

施水 合肥縣東卽肥水分流之一也亦名金斗河水經注施

水受肥於廣陽鄉東南流逕合肥縣蓋夏水暴長施合於肥故

曰合肥施水又東分爲二水枝水北出焉下注陽淵施水又東

逕湖口戍東注巢湖謂之施口續文獻通考金斗河在廬州源

出雞鳴山東流至府城自西水關流入城中至東門外歷金斗

驛流入巢湖又府南三十五里有派河東四十里有店埠河併

入巢湖 附田實發金斗河議 金斗河卽肥河也肥水出縣城西

十里許分爲二一東南流逕合肥城南又東南入巢湖一西北

流二百里出壽春西入淮二水皆名肥爾雅歸異出曰肥謝

元肥水之捷八公草木皆疑晉兵西北之肥也吳大帝所越遠

遙津東南之肥也於其經合肥城者分而入金斗門則所謂金

斗河也然究其始水非入城也舊城狹小今之鎮淮樓卽舊城  
之北門河爲西北濠因宋時拓城而民開之河遂穿城而流別闕  
一枝以繞城爲濠自河入城之後或至郡邑署後百貨駟集干  
出鱗次兩岸悉列貨肆商賈喧闐因乙榜之地氣疏通人心愉暢而  
官長之超擢者緝紳之顯達者甲乙榜之多士風之厚民俗之  
軍甲於他郡且其東北則爲尉池南爲教弩臺乃魏武習水  
清月高映碧樹黃鵠青蒲錄葦漁榔釣艇燈火或煙雨空濛或  
笛浦也又西北則金斗廬陽勝笠煙蓑農歌牧笛相唱和稻畦一  
色鷺鷥鷓鴣飛破水天廬勝紫雲莫過於斯明正德中太守徐  
公鉉建思惠樓於城隍廟之後層巒翠巒東則黃山浮槎大  
小峴四鼎姥峯朝霞千丈變幻紅紫西則大蜀小蜀雞鳴紫  
蓬一帶之山遠接龍眠鹿起如萬馬爭馳黛屏重疊公以政暇  
招賓從寮屬登臨其上課耕課讀周覽民風而思加惠焉無  
以流寇之警公慮水關難守遂障水城外以自固由是而金斗  
河淤塞舟楫不復入城百貨壅滯關外箏笛浦潤爲菜陸思惠  
樓復爲瓦礫而甌陽之旺氣索然矣雖閉無權蓄洩罔措每春  
勢西北高聳東南窪下河廢則蘆蕪茂舍漂塞街衢呼號之慘聞  
於中夜每歲而一見煩賢守令之鳩集而哺恤者多矣雍正十  
年郡守徐公牒請撫憲重濬斯河四民鼓舞而督催之員某某  
者利速就論功宜寬窄之宜深淺愴之河稍通如渠遠報成  
功未幾復塞如故郡人士無不嗟怨之然如後有賢守令繼起

重修安數通志卷二十七輿地志山川

而請之安知不復河之舊跡以去害親利  
安我四民為百世之福哉余日望之矣

茅埠河 府北百一十里東流由含山河入江

三河 府南九十里合廬江舒城二河水而入巢湖亦曰三汊

河梁書韋叡傳魏攻陷肥水堰城乘勝至叡隄下諸將請走保

三汊即此

派河 合肥縣南三十里源出大蜀山又縣東有店埠河源出

圓疇俱東南流入巢湖

新河 廬江縣東半里流入東水關繞學宮出南關會繡溪水

而注於湖相傳楊吳時鑿

沙溪河 廬江縣東南十五里出大凹山東北流入沙河

石槽河 廬江縣東南四十里出礬山與瓦洋黃泥二河俱入

於黃陂河

曹王河 廬江縣西三十里源出甘泉諸山合流過曹王廟至縣西四十里曰高子河又經白兔河入安慶府桐城縣界入江西河 廬江縣東南七十里卽沙黃二湖水自縣東南三十里小缺口渡會白湖入無爲州界由泥汊河口入江

黃屯河 廬江縣東六十里源出黃屯諸山北流注濡須水入江一名黃墩河

羅昌河 廬江縣南五十里源出大凹諸山南流從袁子港入江又縣西南四十五里有高子河上接曹王河下至孔城白兔諸河入於江

馬槽河 廬江縣西四十里源出馬槽諸山北流合板橋關頭二水曰雙河至縣西北四十五里曰金牛湖又北入巢湖又會市河在縣西北四十五里源出大馬槽山羅埠河在縣北二十

五里源出黃濱諸山清野河在縣北三十里銅關河在縣北三十五里源出冶父山谷勝河在縣東北七十里源出塞山俱北流入巢湖

順江河 廬江縣東北三十五里棲鳳諸山之水合流於此與縣東北五十里之威家河七十里之關河俱入白湖

七里河 舒城縣西七里爲西山眾流之會經南溪入巢湖

龍舒河 舒城縣南三里左傳杜預注廬江西南有龍舒按詳考辨

卽此水源從三角山東北流經此按以上自引左傳至此縣志並寔字記舒城縣文

有南溪一名歐溪發源縣西孤井東經七門堰又經縣城南入巢湖蓋卽龍舒水也

石塞河 舒城縣西一百二十里源出陽山東流入南溪又有下七里河在縣東南七里上接南溪下達巢湖上七里河在縣

西九里西山諸水所匯經南溪而入巢湖

永安河 無爲州西四十里又州西十里爲裏河與此俱入於

江

泥汊河 源出廬江縣黃陂湖東流入無爲州界至州東南五十里入江又有夾江河在州東南六十里合於泥汊河入江

黃落河 無爲州北四十里源自焦湖流入於江

馬腸河 無爲州東北六十里卽濡須水分流也其上流二十里有運河流合焉元至正十五年明太祖自巢湖出湖口至銅城關已脫險元將蠻子海牙集樓船塞馬腸河口以阻後軍太祖設策敗之盡發舟師出湖口入江卽此

裕溪河 無爲州東北百二十里又州東北百里有樸樹河東北四十里有運河合於馬腸河俱入大江



花林河 無爲州城東源自大江上接三溪河下接黃金岡大河復經裕溪河出江按州志有西北二源合流出龍潭灣西匯爲花林河舊時河在黃土墩外洩於裕溪明宏治中以黃落河捷於兌運疏鑿墩口改城濠爲巨河以行舟而花林河遂塞  
奧龍河 無爲州東百二十里東接大江下通樸樹河復出於江又州東三十里有一箭河五十里有柵港河

三溪河 無爲州東南二十里與直阜河俱入大江

石灰河 無爲州南九十里源自崑山竹絲湖流入大江亦名土橋河

高林河 巢縣南六十里以山得名

柘皋河 巢縣西二十里源出合肥浮槎山入於巢湖宋史劉錡敗烏珠於此又縣西五十里有銅場河六十里有白露河七

十里有巧溪河花塘河八十里有金塘河皆入巢湖

清溪河 巢縣東南十五里發源於含山之清溪鎮流入天河

江南通志作流入濡須水

卽清溪水也水經注出馬子峴之清溪東逕清溪

城南屈而西南流歷山西南流注柵水爲清溪口宋劉錡抵廬州引兵出清溪卽此

芙蓉河 巢縣東南十五里源出天倉嶺及石壁山經芙蓉嶺下匯眾流成河水滿可達天河

界域河 巢縣西南一百里與廬江縣分界又縣西南三十里爲散兵河少北爲黑象河三十五里爲姥烏河四十五里爲鳳舒河五十里爲雞嘯河七十里爲石次河八十里爲阜河一名馬尾河九十里爲孫家河皆入巢湖

巢湖 府東五十里亦名灤湖亦名焦湖周四百餘里占合肥

舒城廬江巢四邑之境港汊大小三百六十納諸水以入江爲  
淮西巨浸地理通釋巢湖本巢縣地後廢爲湖今巢縣廬州分  
湖爲界巢湖之水上通焦湖濡須正扼其衝東西兩關又從而  
輔翼之漢書明帝紀巢湖出黃金廬州太守以獻三國吳志諸  
葛恪率軍過巢湖陳書宣帝紀中領軍樊毅領水軍自東關入  
巢湖皆在此

沙湖 廬江縣東南十里合於黃陂湖及諸山之水東出缺口  
又沙溪河源出大凹山作枋河源出冶父山繡溪源出馬槽山  
皆入沙湖

白湖 廬江縣東北三十里周七十餘里其北爲排子湖與巢  
湖相連東南台西河由無爲州界入江

黃陂湖 廬江縣東十五里湖水常渾竇興之歲每一澄清邑

必奪解合白湖諸水自泥汊入江

繡溪 廬江縣西五十里源出馬槽山經縣南昇仙橋匯爲黃陂湖

桃溪 舒城縣東北三十里一名桃城水源出六安淠河入於巢湖

南溪 舒城縣南門外水源出孤井經七門山環縣治而東入於巢湖

羨溪 無爲州東北亦謂之中洲三國吳黃武初朱桓戍濡須其部曲妻子皆在羨溪魏曹仁兵向濡須先揚聲欲東攻羨溪分遣將軍常雕等別襲中洲卽此通典羨溪在濡須東三十里通鑑地理通釋濡須在歷陽郡南百八十里羨溪在其東三十里

錦繡溪 無爲州西南十里宋時分而爲二故名雙溪

逍遙津 合肥縣東肥水津濟處也水經注逍遙津水上舊有梁孫權之攻合肥也張遼敗之於津北橋不撤者兩版權蹴馬趨津谷利自後著鞭助勢遂得渡梁

肥水 府城西南源出紫蓬山北流二十里分爲二其一東南流經合肥縣入巢湖梁韋叡堰水以灌合肥在此其一西北流入壽春出淮晉謝元破秦師處也爾雅水歸異出同曰肥南畿志肥水東北經雞鳴山入金斗河一支西北流復東轉南下至東門外余公廟前二水相合故曰合肥今上源已堙塞縣治之得名以此

滁水 合肥縣東北源出廢梁縣之龍潭又東入滁州全椒縣界寧宇記源出慎縣西暴禿古塘酈元水經注滁水出遼道縣

是也方輿勝覽龍潭在梁縣治不十步有蜃母居焉

按寰宇記所引屬注

今水經注無此文

濡須水 巢縣南源出巢湖東南流與含山縣分中流爲界經無爲州東南入江亦名柵口水水經注柵口水導源巢湖徑烏江城北又東逕南譙僑郡城南又東逕附農山北又東逕石塘至東關又名馬尾溝寰宇記濡須水亦謂之馬尾溝又名石梁河宋史劉錡與金人夾石梁爲軍壘薪爲橋卽此

龍潭 府東北每山水乍溢羣魚猝至漁者所獲必倍又舒城縣西亦有龍潭邑令劉顯作壩以灌諸堰

鵲尾渚 舒城縣東北舊有鵲亭左傳楚人伐吳吳人敗諸鵲岸杜注舒城鵲尾渚是也江南通志鵲尾渚與銅陵縣鵲頭山相對當在無爲州界無爲舊屬舒城

孤井源 舒城縣西百五十里俗稱孤靜源其水經七門三堰  
旋繞通於南溪入巢湖

鐵索澗 府西北八十里澗東窮處一潭甚深四時不竭晉謝  
元破苻堅處舊傳嘗有鐵索見於水際

笑泉 廬江縣有二一在魯班塘內聞人笑聲水輒涌沸高尺  
許一在發洪山兒童笑則泉亦涌也故名笑兒泉

左慈泉 廬江縣南門外世傳魏左慈常遺丹粒其中宋政和  
閒夜清氣肅紅光燭天鄉人呼曰丹井

金斗池 府治內按天文一星在南斗曰合肥對九江星夾輔  
黃道而合肥入斗度最多故號金斗其池之名亦取此義

飲馬池 廬江縣西三十里相傳曹操屯兵拒吳常飲馬於此  
南池 無爲州城南宋滿淮端有詩

嘉蓮池 無爲州北池中紅蓮彌望故名

湯泉 巢縣東北二十里寔字記其泉涌出四時常熱

花平澗 合肥縣南七里

小吏港 合肥縣東寔字記合肥縣小吏港卽後漢建安中廬

江府小吏焦仲卿妻劉氏投水處

按劉當作蘭

鐵闌井 合肥縣城中舊嘗鑄鐵爲闌



重修安徽通志卷三十

輿地志

山川七

鳳陽府

鳳皇山 府北勢如鳳翔府縣皆以此名連萬歲山明初築皇城於此東有二峯對峙一名日精一名月華又東三里有獨山舊建觀星臺處又靈璧縣西北亦有鳳皇山旁有洞曰老君洞白沙山 鳳陽縣東寰宇記白沙山在鍾離縣東八十里其山徧是白沙

善山 府城南四十里一名翊聖山

曹山 府西三十里舊傳魏武駐兵處明甌甯王湯和墓在焉畫山 府西五十里山有木枝如楊柳可用作畫故名

廟山 府南十五里上有伍子胥廟又府西南四十里有靈山六十里有尹家山

東魯山 鳳陽縣西南十五里又西三里爲西魯山相傳魯肅屯兵於此

雲母山 府西南三十里一名濠上山竈宇記雲母彭祖所服食采於此山西南二十里有石膏山產石膏

陡山 鳳陽縣西南五十里以形勢陡險而名

長安山 府南四十里東西平衍東曰東堡卸甲店西曰打虎店峯巒殊勝

杏山 府南六十里吳時董奉種杏於此後服杏丹仙去

鎮鄒山 府南八十里相傳昔莫邪於此鑄劍因以名山竈宇記莫邪干將之妻名也

瞿相山 故臨淮縣西南二十里

蔣山 府東二十里梁時鍾離之捷梁主夢金陵蔣山之神許助以兵遂立祠祀於此因以名山

梅城山 故臨淮縣東四十里下有梅城邨又東十里曰石門山

化明山 故臨淮縣東六十里隋置化明縣因以名山

烏雲山 故臨淮縣東南六十里亦名烏霧山以山多蒙霧也與定遠縣接境

鹿塘山 故臨淮縣南二十八里山下有白鹿塘又縣南三十里有甯甫山下有甯甫邨五十里有小橫山

濠塘山 故臨淮縣南六十里濠水出焉竄字記山泉灌濠成塘故名山有石穴出鍾乳又名鍾乳山

昇高山 故臨淮縣西南五十里居民九日登高處東西二濠水合流於此

闕干山 故臨淮縣西二十里山相連如闕干狀

礪山 故臨淮縣東北六十五里山有石洞世傳仙流所居

塗山 懷遠縣東南八里淮水東南與荆山兩岸對峙圖經荆

塗二山相爲一脈禹鑿爲二以通淮流今兩山間有斷梅谷太

康地記古塗山氏國夏禹所娶也春秋傳禹會諸侯於塗山椒

舉言穆有塗山之會杜注在壽春東北山下有禹墟及禹會村

又名當塗山魏書地形志沛郡已吾有當塗山卽此野客叢談

塗山有四一會稽二淪州三濠州鍾離縣四宣州當塗縣皆立

禹廟縣志山周四十六里高三百十三丈山半有聚仙臺臥仙

石又有靈泉澄瑩不竭其南麓曰九岡岡形夾澗起伏俗名九

岡十八窪迺府之通衢又北麓有落馬澗西北麓有玉液泉西

岳有聖泉東有虎兒窩又西有小塗山附唐柳宗元塗山銘并

序惟夏后氏建大功定大位立大政勤勞萬邦和崩四極威懷

大功建焉虞帝當乎洪荒方割災被下土自壺口而導百川

國既同宣省區教自塗山而會諸侯大政立焉功莫崇乎禦大

災乃賜元圭以承帝命位莫尊乎執大象乃輯五瑞以建皇極

政莫先乎齊大統乃朝玉帛以沈經制是所以承唐虞之後垂

子孫之丕業立商周之前樹帝王之功故堯舜至德而位不嗣

尚德而右功而祚延於世有夏德配於二聖而唐虞讓功焉功

湯武大功而祚延於世有夏德配於二聖而唐虞讓功焉功

於三代而商周讓德焉宜乎立德垂統貽於後裔當位作聖著

爲世準則塗山者功之所由立德之所由濟政之所由立有天

下者宜取於此追維大號既發華蓋既狩方嶽列位奔走來同

山川守神奠敢違甯羽毛四合衣裳咸會虔恭就列俯僂聽命

然後示之以禮樂和氣周洽申之以德刑天威震耀制立謹訓

宜在長久厥後政統卑宮室惡衣服拜昌言均平賦一制度能

皇祖之訓不由人亡政墜卒就陵替向使繼代守成之君又能

紹其功德修其政統卑宮室惡衣服拜昌言均平賦一制度能

期會則諸侯常至而天命不去矣茲山之會安得獨光於前歟

是以周穆遐追遺法復會於是垂天下之會昭前軌用此道也

故余爲之銘庶後代朝諸侯制天下者仰則於此其辭曰惟禹

三

鳳陽府

體道功厚德茂會諸侯衛統一憲度省方宣教化制殊類咸會  
壇位承奉儀矩禮具樂備德容既孚乃舉明刑以弼聖謨則  
防風遺骨專車克威克明疇敢以渝宜昭黎獻底定豈區傳  
後昆丕承帝國塗山巖巖界彼東國惟禹之德配天無極卽山  
刊碑胎  
後作則

新城山 懷遠縣南四十里近新城故名

洛河山 懷遠縣南六十里方輿紀要以近洛河而名山產煤

炭其西峯曰洪山東峯曰神山

平阿山 懷遠縣南六十里與壽州接境漢置平阿縣以此俗

誤爲平哉

荆山 懷遠縣西南水經注淮水出於荆山之左當塗之右魏

書地形志已吾有荆山梁書昌義之傳督眾作荆山堰卽此山

也相傳卞和採玉處山西北有石阬石色如玉不受鑿刻又有

白龜泉泉北有濯玉湖南麓有梅澗其餘支爲龜山橫山附明

宋濂遊塗荆二山記

自塗山麓經縣治折而東行約三里許至

遺蹟猶可見復行三十步崖如屋側身而入石屏如牀可坐

號為卞和洞自西上復一里所過避雨石斜倚可避雨復六

十步至產玉坡奇石駢列西有玉池榛荆迷路不可尋矣按二

山見諸載記者多殊以塗山言之春秋左氏傳云禹會諸侯於

塗山杜預注云在壽春縣東北說者云今濠州是也國語史記

則又云禹會諸侯於會稽故會稽亦有塗山吳越春秋亦以塗

山在會稽應劭云塗山在永興北說者云今會稽蕭山縣是也

是二說已不一矣至於蘇鶚衍義又云塗山有四一會稽二俞

州三濠州四當塗然其處皆有禹蹟或者謂禹之治水固嘗

徧歷宇內而會諸侯賢在會稽之塗山柳子厚塗山銘蘇子瞻

子由塗山詩指在濠州者皆非是濂之存疑而未決者一也以

荆山言之荆山楚山也楚之先王熊繹辭在荆山七傳至昭王

始遷都郢鄢即今之江陵其地有荆山一名景山荆故楚號也

有之誠宜世則指為濠州濠州古鍾離子國與壽春密邇楚自  
昭王之後屢十一傳始徙都壽春韓非子所載卞和獻玉事乃  
在厲武文三王之際昭王上接武王已越十世當三王時鍾離  
何時楚而強謂卞和至此山耶新序又謂抱王而泣在共王  
之時襟記又謂在懷王及其子平王之時平王乃昭王之父下  
距懷王九世共王上至武王亦六世何顛倒如是耶廉之存疑  
而未決者二也大抵山川遺蹟非本諸經史者多不可信必欲  
可信塗山當稽之左氏以壽春為正

相公山 定遠縣東六十里有楚相令狐子伯廟因名稱西爲  
豁鼻山東樂山

大橫山 定遠縣東七十里其山橫界邑之東南故名山頂有  
石壘舊阬西南有石佛高丈餘相近有皇甫山相傳昔有皇甫  
將軍屯兵於此

華蓋山 定遠縣東南二十五里頂圓覆如蓋又縣東南六十  
五里有喜龍山朗峯山

卽公山 定遠縣東南六十里一名竇公山

五尖山 定遠縣東南七十里山有五峯又十里有磨盤山形  
圓如磨

泉陽山 定遠縣東北十五里其北有石隄泉清澈可鑑

槎枒山 定遠縣西七十里山形槎枒古有槎枒寺明洪武間



改建圓通禪寺中有芝巖洞

高山 定遠縣北四十里南有石塘水極清冽有禹廟又名廟山

三峯山 定遠縣西北三十里山有三峯秀麗特異又有禪窟洞石窟泉多修篁古木

韭山 定遠縣西北四十五里地煖多韭故名山上石城兵火時常保聚焉山下有洞其中澗水常流石形如器物者甚眾左右多唐人題刻後爲峻巖遊者莫能至相近有青山有銅骨山青翠相接

橫澗山 定遠縣西北七十四里上有石壘及澗泉

白石山 定遠縣北三十五里多白石相近有大紅山多紅石

紫金山 壽州東北十里五代史周顯德四年世宗攻壽州劉

仁瞻堅守不能下東趨濠梁南唐援兵營於紫金山與壽州城中烽火相應宋太祖率殿前諸軍擊紫金山連珠砦拔之遂下壽州卽此上有淮南王遺蹟游者閒拾得小金牌可用療疾疑丹砂所化也

黃岡山 壽州東北五十里世傳楚春申君黃歇嘗遊憩於此

舜過山 壽州東八十里卽舜耕山處上有大人足跡一名順

閣山 按江南通志引竄宇記作舜哥山放竄宇記無此文明統志有舜哥山云舊名舜王山亦不云出竄宇記

碣石山 壽州西北二十五里夾淮爲險竄宇記兩岸相對淮

水經其中 按引竄宇記止此二句是原文 在西岸者爲碣石屬下蔡 今鳳臺縣 在東

岸者爲壽陽山上築二城以防津要魏諸葛誕舉兵王景據碣

石以偪誕又晉胡彬據壽春城陷退保碣石皆其地也兩岸石

上有大禹疏鑿舊蹟山口有茅仙洞

八公山

鳳臺縣東北五里

按今鳳臺北徙三十里則此山距縣二十五里

肥水之北

淮水之南亦名北山漢淮南王安與其賓客八人著書學仙於

此晉書苻堅兵敗望見八公山草木皆疑晉兵卽此一名肥陵

山州西北有青岡晉謝元乘勝追擊苻堅至青岡

附

梁吳均八

公山賦

峻極之山蓄聖表仙南參差而望越北遷迤而懷燕爾其盤桓基固含陽凝霧絕壁峻嶮層巖迴互桂皎月而

常圓雲望空而自布袖以華閭帶以潛淮文星亂石藻日流階

若夫神基巨鎮卓犖荆河箕風畢雨育嶺生殺高兮直兮蔽景

修阪出兮架天以迎風而救日若從漢而迴山露泣葉而原淨

花照磯而岫鮮促嶂萬尋平崖億級上披紫而生煙傍帶花而

來雪維英王兮好優會八公兮小

山駕飛龍兮翺騞高馳翔兮翺天

四頂山

鳳臺縣北七里

按縣治北徙此山當在南二十三里

東與八公山相對

打鼓山

宿州北三十里上有三峯東北有二泉可溉田揭傒

斯望光樓記云山中有聲如鼓鳴歲則大熟

離山

宿州北五十里產苻離草爾雅所謂莞也秦以此名縣

州志離山集卽在其下

豐山 宿州北七十里以在新豐里而名

騫山 宿州北七十里以山有閔子墓而名墓左有龍涎潭

磨山 宿州西三十里產磨刀石

定陶山 宿州北隋書地理志符離有定陶山寰宇記符離縣

定陶山在縣北四十里魏時定陶縣在山下

睢陽山 宿州西北三十里山在睢水之陽故名舊作諸陽

芳巖山 宿州西北六十里旁有石巖多芳草相近爲邱曠山

相山 宿州西北九十里下有漢相縣城故址故名相城鄉周

二十里甚危峻舊有相山碑記云巍巍相山盤紆穹崇上應房

心與天靈沖其西南爲天馬山西控汴河

石山 宿州西北純石無土如高士孤立或曰孤山

土山 宿州西北純土無石

陰陵山 靈璧縣東十五里與泗州接界項羽失道於此

龍車山 靈璧縣北二里縣之主山也山之陽有石泉又北三

里爲栲栳山迴環如倚故名因前對學宮改名龍柱山

磬石山 靈璧縣北七十里山出磬石故名禹貢泗濱浮磬卽

此揮塵錄宋政和閒起良岳靈壁貢一巨石高二十餘尺周圍

稱是舟載至京師千夫舁之不動裕陵以爲神物表異之親書

慶雲萬態奇峯六字加金帶其上頃刻移至苑中

潼山 靈璧縣北七十里潼水出焉世傳莊子嘗修道於此有

南華觀

陳疇山 靈璧縣北八十里陳疇堡亦名陳搏山相傳希夷嘗

寓於此有希夷洞

耳毛山 靈璧縣北九十里下有耳毛湖

菜玉山 靈璧縣西南三十里山產石類菜玉

張山 靈璧縣西北九十里其西五十里有貢山屬蕭縣相傳

子張子貢遊學之地

齊眉山 靈璧縣西南三十里山開八字如列眉建文三年徐

輝祖敗成祖於此

三注山 靈璧縣東北十二里舊志中有蜘蛛洞及雲洞

孟山 靈璧縣東北七十里相傳孟子嘗遊此山下有娑羅樹

歲以枝葉先發所向之方爲豐年之兆

分水嶺 故臨淮縣東九十里其水東入盱眙西入臨淮

銀嶺 定遠縣東五十里舊有銀冶今無

鳳皇嶺 定遠縣南二十里昔有鳳止此故名

青岡 壽州西北晉太元八年征討都督謝石冠軍將軍謝幼  
度等帥師拒秦兵乘勝追擊至於青岡寰宇記岡在縣西三十  
里高一百步通鑑集覽青岡在安豐軍去壽春三十里

斷梅谷 懷遠縣荆塗二山閒或曰二山本爲一脈禹以桐柏  
之流泛濫爲害乃鑿山爲二以通之今兩山閒有斷梅谷或曰  
周世宗以荆塗有王氣斷之有梅氏聚族居此谷中故名

劍山 定遠縣西北

龍子河 府西三十里源發南山北匯爲湖經長淮關入淮

溪河 鳳陽縣東五十里卽古黃溪也一名大溪河

沫河 鳳陽縣北上承諸湖至縣東北十五里入淮曰沫河口

天河 懷遠縣南五里源出府治之利山西北流經塗山南入

淮又縣西有涇河西南有茨河俱發源蒙城至縣入淮

淝河 懷遠縣北二十里出渦陽縣之龍山湖流經蒙城縣界東南至縣之雙墩入於淮有魚鳧菱芡之利按此乃淮北之淝水也

清溝河 懷遠縣北二十里自渦陽之龍山湖東南流合十湖天堰諸水至縣北會淝河而水始大舊自靈璧南境至府治沫口河入淮今下流淤塞時有泛溢之患

池河 定遠縣東南六十里自廬州巢縣界流入境內又東北經盱眙入於淮

東肥河 壽州東北十里源出合肥之紫蓬山北流二十里分爲二其一東南入於巢湖

互詳廬州府

其一西北流二百餘里至州

境入於淮江南通志謂卽謝元破苻堅處乃淮南之肥水也

西肥河 鳳臺縣西南自潁州府潁上縣界東南流入又東南



入淮一名夏肥水漢書地理志城父縣夏肥水東南至下蔡入淮水經注夏肥水自天淙陂分爲二流南爲肥水又東左合雞水北爲雞陂東流爲黃陂又東南積爲茅陂又東爲雞水仍合肥水亂流入淮壽州志西肥河在下蔡西南十里入淮

大香河 壽州東南三里自芍陂大香門分流九曲至州三里橋北下東西走馬河入於淮係唐宋運河元始淤

阜口河 壽州南六十里自芍陂阜口門分流至州東東津渡入肥水又有沿河在州東南五十里亦入肥水

解河 宿州東南又曰蟹河源出州西之仁義鄉東流經靈璧縣西南入淮

泡河 宿州南九十里源出亳州舒安湖經州之舊臨渙城合滄水

澗河 靈璧縣南七十里源出河南永城縣馬長河東流歷宿  
州至縣境東南入五河縣界

小河 靈璧縣北六十里卽睢水項羽追破漢軍多殺士卒睢  
水爲之不流是也

黃河 靈璧縣北一百二十里自徐州府流入又東南入睢甯  
縣界卽古泗水也

月明湖 故臨淮縣東一里北流入淮

方邱湖 鳳陽縣東北二十里

水澇湖 定遠縣東四十里又大橋湖在縣東南五十里

楊亭湖 定遠縣西九十里又石塘湖在縣西北十五里

西湖 壽州西門外一名熨湖又名尉升湖水經注羊頭溪水  
受芍陂西北流經熨湖是也又有南湖在州正陽門外

焦岡湖 壽州西三十里相近爲董奉湖

舒家湖 壽州西北八十里

白雲湖 宿州西南六十里又黃歷湖在州南三十里運斗湖在州西南四十里

淖湖 宿州東北淖一作牌水經注淖湖水上承留邱縣之淖陂南北百餘里東西四十里東至朝解亭西至留邱縣故城東其水自陂南系於睢水唐書地理志符離東北九十里有隋故牌湖隄灌田五百餘頃顯慶中復修金史地理志符離有牌湖橫隄湖 宿州西北十里通睢水又旱莊湖在州西北四十里紫蘆湖 宿州西產紫蘆

沫溝湖 靈璧縣北七十里相傳晉宋閒地陷爲湖每春夏晦暝水上有城屋之狀見則歲有大水相近有青冢湖俱通睢水

石湖 靈璧縣東北十五里中有巨石水消長不過舊痕

淮水 府北十里自霍邱縣東流入水經注淮水東北至九江壽春縣西泚水泄水合北注之又東潁水從西北來流注之又東流與潁口會又東北流逕壽春縣故城西又北左合椒水又東過壽春縣北肥水從縣東北流注之又北逕山峽中謂之峽石又北經莫邪山西又東過當塗縣北渦水從西北來注之又東北濠水注之又北沙水注之又東逕中陽城北爲中陽渡於壽陽縣西北謂之肥口又北夏肥水注之又東逕梁城左迤爲涓湖右納洛川於西曲陽縣北又自莫邪山北逕馬頭城濠水西流注之又東渙水西入注之又東至巉石山潼水注之淮出於荆山之左當塗之右奔流於二山之間文獻通考淮水自潁上界至壽州合肥水至懷遠合渦水東流歷府北境又東北入

泗州

渦水 府西北自蒙城縣流入至懷遠東入於淮謂之渦口水  
經注自渦陽東南經龍亢縣故城南又南流出石梁又東南逕  
荆山又東左合北肥水又東注淮又有塌河沙溝入之三國魏  
志武帝紀建安十四年軍至譙作輕舟治水軍秋七月自渦入  
淮卽此

濠水 府南十里有二源東出濠塘山西出鎮鄒山至昇高橋  
合流又東北入於淮其水經府治及故臨淮縣境臨淮西南有  
石絕水謂之濠梁卽莊惠觀魚處

洛水 懷遠縣南七十里自合肥縣界北流入經定遠縣西南  
與壽州接界謂之閩閩水及北流至懷遠縣西南入淮謂之洛  
湖水經注閩閩水上承施水逕浚邈縣西積爲陽湖又西北經

死瘞亭南夾橫塘西注分爲洛澗又西入肥水洛澗水分閭溪  
北絕橫塘又北合鵲甫溪水又北歷秦墟水注淮謂之洛口  
沙水 懷遠縣西南十里自潁州府蒙城縣流入經荆山之麓  
南入淮俗曰沙河亦曰芟河又名黃河左傳昭公二十七年楚  
令尹子常以舟師及沙汭而還水經注沙水自山桑縣東南過  
龍亢縣南又東南逕白鹿城北又東北過義城縣西南入於淮  
卽左傳沙汭也縣志又有汭河在縣西六十里亦自蒙城縣流  
入至縣南歐村入淮

汴水 自河南歸德府永城縣流入經宿州又東南經靈璧縣  
南又東南經虹縣南又東入泗州界元和志苻離縣南臨汴河  
有埭橋爲舳艫之會宋史河渠志唐開元末汴州刺史齊澣以  
漕運經淮水波濤有沈損遂浚廣濟渠下流自泗州虹縣至楚

州淮陰縣北十八里合於淮既而水流迅急行旅艱險遂停廢  
按唐以前汴泗會於彭城之北然後入淮隋開通濟渠始導汴  
入淮今河淤塞故隄存焉

淖水 壽州西七十里自霍邱縣流入北入淮卽泚水也漢書  
地理志泚水北至壽春入芍陂水經注自六安故城西又西北  
分爲二水又北會濡水亂流西北入於淮方輿勝覽淖有蛟害  
楚羣乙射之遂絕

睢水 宿州北二十里自河南永城縣東南流入經州北水經  
注睢水經相縣故城南合白瀆水又東逕靈璧縣東又東合淖  
湖水又東逕苻離縣故城北又東逕取慮故城北又東合烏慈  
水舊志靈璧縣北三十里有土山溝七十里有漁溝皆注睢水

古蘄水 自河南歸德府永城縣流入宿州東逕靈璧縣入泗

州界水經注 蕪水東南流逕蕪縣又東流入丈故溝出焉又東流長直故瀆出焉又東入夏邱縣東絕潼水逕夏邱縣故城北又東南逕潼縣南又東流入徐縣元和志 蕪水去蕪縣三十里 寶宇記水在蕪縣北四十里本逕臨渙縣地隋大業元年疏通濟渠東流至縣界

渙水 自河南歸德府永城縣流入經宿州南又東南經靈璧縣南又東南入泗州五河縣界一名減水今謂之滄河水經注 芑水東流入渙水渙水又東南逕蕪縣故城南又東逕穀陽縣又會八丈故瀆又東逕穀陽戍南又東南逕穀陽故城東北右與解水會又東南逕白石戍南逕虹城南浚水注之元和志渙水西自臨渙縣界流入宿州續文獻通考滄河歷宿州南境至五河縣西北入於淮舊志靈璧縣南七十里有陡溝滄水支流



也宋李顯忠敗金將蕭琦於陡溝卽此

浚水 靈璧縣東南水經注浚水首受斬水於斬縣經穀陽縣又東南經浚縣故城北又東南入渙水漢書應劭注浚縣浚水所出南流入淮或曰卽今沱河

龍涎潭 宿州閔子鄉武城里之左旱禱時應

湄陂 壽州東北水經注淮水逕梁城左迤爲湄湖唐書地理志湄陂在下蔡東北八十里

永樂渠 壽州南唐書志在安豐東北十里溉高原田廣德二年宰相元載置大厯十三年廢

運糧溝 宿州有二南運糧溝在州南門外水漲可通滄河北運糧溝在州北門外水漲可通睢河

獨山湖 鳳陽縣南源出縣西羊圈山至府城南合城內水又

東合濠水入淮

青山澗 鳳陽縣東南五十里源出青山流入東濠水

響水澗 故臨淮縣城東又有蕉子澗紅娘子澗蓑澗沙澗青

山澗俱入於淮

碧溪澗 懷遠縣南一里自荆山下曲流經城中入淮又有冷  
水澗茅澗俱入於淮

柴澗 懷遠縣西南七十里府志流入淮與壽州接界

清洛澗 定遠縣西八十里晉書謝元率諸軍涉洛澗敗秦兵  
於壽陽卽此

粉團洲 府西北三十里睢水之南洲上多白沙故名明初於  
此築城設衛卽今之長淮衛也

道人洲 鳳陽縣東北三十五里邵陽洲之東

邵陽洲 鳳陽縣東北三十八里淮水中南史齊建武二年魏  
主攻鍾離不拔築城於邵陽洲上柵斷水路夾築二城又梁天  
監五年魏元英攻鍾離詔曹景宗頓道人洲景宗固啟求先據  
邵陽洲尾

芍陂 壽州南安豐廢縣亦曰安豐塘又曰期思陂楚相孫叔  
敖決期思之水卽此詳見水利

鳳皇池 鳳陽縣東北十七里相傳嘗有鳳皇宿此

珍珠泉 有二一在懷遠縣南獨山亦名獨山泉流澤甚長一  
在定遠縣西四十五里

木藥泉 懷遠縣南六十里洛河山北麓流注郭陂塘民獲灌  
溉之利

漢泉楚泉 俱在定遠縣西五十里二泉並紆迴自南而西合

流入洛

咄泉 壽州北五里泉與地平每聞人聲水輒涌出如珠又名

珍珠泉

附

吳育記

珍珠泉在鳳臺縣城北三里入公山之陞平

流爲瀾屈折沿於澗池碎石以爲底泉出其下若珠故名一曰  
咄泉爾雅泉上出爲咄也泉之上故有亭柱礎縱橫仆於地其  
基不可復覩矣余友李君治事鳳臺春陽旭熙秋日皎暎每率  
賓從盤桓泉石閒發泉淪茗以爲笑樂踰北山飲孫氏小琅玕  
館沈冥而後返或持爆竹至泉上然之或鼓掌頓足則泉益肆  
出壘壘如貫珠蓋數十道晶光動人可愛翫其水淳激不容垢  
汚沈埃聚沫或旋焉或播焉澹之使不得泊味清冽刻削不能  
久飲彼其出於石罅性固然也而造來其者資焉色白而質良  
風味尤勝或曰淮南王安實始作於此  
其信耶泉之行其聲幽幽然不可窮也